

Talitali Lelei koe ki he Acute Eye Service 'i he Greenlane Clinical Centre (Senitā Fakafaito'ō Greenlane)

Fakamatala ma'á e Kau Mahakí, Fāmilí/Kāingá

Ko e hā 'a e Acute Eye Service (Sēvesi ki hono Faito'ō 'o e Mata)?

'Oku fakahoko 'e he Acute Eye Service (AES) 'a hono tokangaekina 'o e kau mahaki 'oku hoko ha fiema'u fakavavevave ki honau matá pe ngaahi palopalema fakatu'upakē ki honau matá. 'E toe ala 'omai foki kiate kimautilu mo ha kau mahaki mei he ngaahi feitu'u kotoa 'o Nu'u Silá ki ha faito'ō fakavavevave.

Ko hai te u sio ki ai fekau'aki mo e fiema'u fakavavevave mo ha ngaahi palopalema fakatu'upakē ki hoku mata?

'Oku ngāue 'i he AES ha timi 'o ha kau toketā mata, neesi mo e optometrists (tokotaha faito'ō 'o e matá) taukei, 'o taki 'e ha toketā mata mataotao (ophthalmologist) 'a ia 'okú ne tokoni'i mo fale'i 'a e timí.

'Oku ngāue mālohi 'emau kau ngāue fakafaito'ó ke sio kia koe 'i he taimi vave tahá, ka 'e ala toloi ia makatu'unga 'i hano sivi 'o ha kau mahaki 'oku 'i ha tu'unga faingata'a ange, pe kau mahaki 'oku fiema'u ha faito'ō fakavavevave kiate kinautilu. 'Oku houna 'aupito kiate kimautilu 'a ho'ō fa'a kātakí.

Te mau ui atu koe, 'i he'ene a'u atu ki ho taimi talatalá.

Hili pē hono lēsisita au 'e he kau ngāue talitali kakaí, 'e ui atu leva koe 'e ha taha 'o emau kau neesi ki he mu'aki talatalá (triage nurses) 'i loto 'i ha miniti 'e 60.

'E fakahoko ho talatalá 'o fakatatau ki hono fakahokohoko 'o e tu'unga ki he fiema'u fakavavevavé, ka e 'ikai ko e fakahokohoko 'o e taimi a'u maí. Neongo eni, 'oku mau taumu'a ke fakahoko atu 'a e ngāue kiate koé 'i loto 'i ha houa 'e fā 'i he taimi 'e malava aí.

‘I he lolotonga ‘o e ngaahi taimi femo’uekiná ‘e lava ke a’u ‘a e taimi talitalí ki ha houa ‘e 4–8 ki he ngaahi fokoutua ‘oku ‘ikai fakavavevavé. ‘Oku mau lava pē ‘o ‘oatu ha fakafuofua ki he ngaahi taimi talitalí, he ‘e lava ‘o liliu lahi eni ‘i ha fa’ahinga taimi pē, ‘o makatu’unga ‘i he tu’unga fakavavevave ‘o e fiema’u ki he kau mahaki ‘oku nau hū maí.

‘Oku fiema’u ke u mavahe fakataimi mei he loki talitalí, ko e hā ‘a e me’a ‘oku totonu ke u fai?

Kapau ‘oku fiema’u ke ke mavahe fakataimi mei he loki talitalí ‘o kai pe ‘alu ki ha ngaahi me’a kehe, kātaki ‘o fakahā ia ki he ‘emau kau ngāue talitali kakaí pe taha ‘o ‘emau kau neesi ki he mu’aki talatalá ke nau faka’ilonga’i ia ‘i ho’o failé.